



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Militia Sacra || Dvcvm Et Principvm || Brabantiaë,||**

**Molanus, Johannes**

**Antverpiae, [1592]**

Lvdovicvm Balbvm Imp. secundo regni & imperij sui anno obiisse, cùm  
contra Sarracenos sacram militiam meditaretur. Cap. XXI.

**urn:nbn:de:hbz:466:1-38114**

bellum gessit. Eum itaque in Gallia Lugdunensi Andibus siue Andegauensibus prefecit. Hoc Widechindo procreati censentur Reges Francici, qui annos amplius quingentos ad nostra vsque tempora regnum Gallicum obtinuerunt. Sed nec bellum Andegauense feliciter ei cessit. Nordmanni, inquit Sigebertus, urbem Andegauis quasi in ea habitaturi cum suis omnibus occupant. Ad quam oppugnanda Carolus adscito Salomone Britonum Rege profectus, multis eam diebus obsedit. Sed cum Nordmanni iam ad desperationem adducti essent; Rex inuito exercitu, pecunia ab eis accepta, egressum eis annuit, eisq. hoc pacto peiora faciendi locum dedit.

Ad annum 875.

LUDOVICVM BALBVM Imp. secundo regni & imperij sui anno obiisse, cum contra Sarracenos sacram militiam meditaretur.

C A P. XXI.

PATRI Carolo successit filius Ludouicus, vir simplex ac mitis, iustitiae ac religionis amator; cognomēto Balbus, ait Regino, quod impeditioris & tardioris esset eloquij.

XIII. Brabantie Dux Ludouicus Balbus Imperator.

Carolo itaque mortuo extemplo Carolomannus Italiae regnum iniuit. At Ioannes Pontifex, iniuriis quorundam grauatus, in Galliam venit: vbi colloquio constituto, Balbus duris se eius atque Ecclesiae, quae commemorabat, temporibus non defuturum ostendit;

C 3 dit,

dit, si ille se Augustali corona, quam patri suo tradiderat, exornaret. Cui cum se Pontifex gratificaturum summo studio respondisset, ipsum VII. Idus Septemb. maximo totius Galliarum concursu Imperatorem inunxit, solenni iuramento adactum, se Ecclesiam, dum viveret ab hostium & maximè infidelium iniuriis defensurum. Rebus itaque sic constitutis, multis vltro citroque beneficiis præstitis, abierunt.

Ioannes Romam reuersus, mox Imperatoris opem implorat contra Sarracenos, qui litora Romanorum, Fundis & Tarracina occupatis, tenebant. Ad quod iter dum se pararet Imperator, adornata iam expeditione cum vix biennium imperasset, morbo periit, anno 1000. LXXX. Cui defuncto Adalheidis peperit Carolum cognomento Simplicem, & posthumum, Franciarum Regem.

*De LUDOVICI & CAROLOMANNI,  
tutorum Caroli Simplicis, sacra militia contra Nordmannos.*

C A P. XXII.

*Primi tuto-  
res XIII.  
Duci Bra-  
bantie.*

CUM Carolus primùm quidem nondum natus, deinde verò ætatis defectu tutoribus egeret; primi ei obtigerunt Ludouicus & Carolomannus, Ludouici Balbi ex concubina filij. De quibus Paullus Aemilius ita breuiter scribit: Ludouicus Carolomannusque, Balbi